

# 經脈圖說

亨集之下

和書門		
二八三七四	號	類
一七六	函	
一二	架	
七	冊	

內閣文庫		
二八三七四	冊	和書
一七六	函	
一二	架	
七	冊	

內閣文庫		
番號	和 28374	
冊數	7 ( 4 )	
函號	195	101



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





醫學書館  
寮書籍之記



經脈圖說亨集之下

武江友艸子夏井透玄著輯

男

玄願德甫

全校

門人上原

春良元知

友人今井

健順齋父訂正

奇經八脈

十二經者正脈也八脈者奇經也知奇  
知正而或攻或守凡奇經為用也莫滅  
於正經然人多忽略之故瀕湖先生著

經脈圖說亨集下



八脈攷發揮玄旨但博裁群書普探今  
古以故學非富于全豹則未易通曉焉  
今竊以素難為主間擷於諸家註釋而  
艾繁撮粹以為八脈說

▲奇經八脈總說

透玄曰奇經八脈者所謂督脈任脈衝脈陰  
蹻陽蹻陰維陽維帶脈也督任衝之三脈共  
起於胞中同出於會陰督者由此循脊裏而  
為諸陽之都綱故曰陽脈之海任脈亦由此  
循腹裏而為諸陰之任養故曰陰脈之海蓋

此二脈雖屬於奇經然而營氣運行之正脈  
而聯于十二經者也衝脈亦由于會陰夾臍  
上行而衝通諸經故曰十二經之海陰蹻起  
於跟中循內踝上行身之左右而屬足少陰  
之別陽蹻起於跟中循外踝上行身之左右  
而屬足太陽之別而此二脈主關節之機要  
行走之蹻捷者也蓋是亦雖屬奇經然而二  
十八脈之一而合于營氣周流之度數者也  
陰維起於諸陰之交由內踝上行而維絡諸  
陰也陽維起於諸陽之會由外踝上行而維



絡諸陽也帶脈橫周圍於腰中其狀如束帶而所以約束十四經脈也如斯奇正相貫通而營衛氣行自調焉故云此八脈者譬猶人圖設溝渠以備水潦斯無濫溢之患矣人之奇經亦猶如是李瀕湖云陽維主一身之表陰維主一身之裏以乾坤言也陽蹻主一身左右之陽陰蹻主一身左右之陰以東西言也帶脈橫束諸脈以六合言也是故醫而知乎八脈則十二經十五絡之大旨得矣蓋奇經之說於內經如有缺而至難經其義略

備焉學者宜參考之

○難經曰脈有奇經八脈者不拘於十二經何也然有陽維有陰維有陽蹻有陰蹻有衝有督有任有帶之脈凡此八脈者皆不拘於經故曰奇經八脈也 二十七難

滑氏曰脈有奇常十二經者常脈也奇經八脈則不拘於十二經故曰奇經奇對正而言猶兵家之云奇正也○虞氏曰奇者奇處之奇不偶之義謂此八者不係正經陰陽無表裏配合別道奇行故曰奇經○婁全善曰蹻



督任三脈內經謂在十二經管氣周流度數  
一十六丈二尺之內扁鵲謂奇經八脈不拘  
千十二經兩說矛盾以待賢者汪右山說亦大同之  
●透玄謹按奇經八脈言不拘於十二經者  
蓋以其於臟腑無配合也如言不係正經無  
表裏配合別道奇行則不可也夫如任督本  
一脈而以腹背分陰陽則猶有配合衝脈亦  
依附于足少陰陽明而衝通諸經兩蹠脈屬  
于足少陰太陽之別如二維之脈維絡於陰  
陽之諸經帶脈者約束於諸經而本于足少

陽厥陰是皆陰陽表裏相通而自有依附之  
處豈曰無表裏配合而別道奇行哉唯內經  
不稱奇經之名於難經始別之而已

▲督脈

張潔古曰督者都也為陽脈之都綱

○督脈者起於少腹以下骨中央女子入繫廷  
孔素問骨空論

少腹小腹也胞宮之所居骨中央橫骨下近  
外之中央也廷正也直也廷孔言正中之直  
孔即溺孔也



其孔溺孔之端也

此釋廷孔即溺孔之義女人溺孔在前陰中橫骨之下孔之上際謂之端乃督脈外起之所此雖以女子為言然男子溺孔亦在橫骨下中央第為宗筋所函故不見耳

其絡循陰器合篡間繞篡後

督脈別絡自溺孔之端循陰器分行向後復合於篡間乃又自篡間分而為二繞行於篡之後篡交篡之義謂兩便爭行之所即前後二陰之間也

別繞臀至少陰與巨陽中絡者合少陰上股內後廉貫脊屬腎

足少陰之脈上股內後廉足太陽之脈外行者過髀樞中行者挾脊貫臀故此督脈之別絡自篡後繞臀至股內後廉少陰之分與巨陽中絡者合少陰之脈並行而貫脊屬腎也與太陽起於目內眥上額交巔上入絡腦還出別下項循肩膊內俠脊抵腰中入循膂絡腎此亦督脈之別絡並足太陽之經上頭下項俠脊抵腰中復絡於腎若其直行者自尻上



循脊裏上頭由鼻而至於人中也  
其男子循莖下至篡與女子等

莖陰莖也

其少腹直上者貫齊中央上貫心入喉上頤環唇上繫兩目之下中央

按此自少腹直上者皆任脈之道而本節列為督脈五音五味篇曰任脈衝脈皆起於胞中上循背裏為經絡之海然則前亦督也後亦任也故啓玄子引古經云任脈循背謂之督脈自少腹直上者謂之任脈亦謂之督脈

由此言之則是以背腹分陰陽而言任督衝脈若三脈者則名雖異而體則一耳故曰任脈衝脈督脈一源而三岐也

○上循喉嚨入頰頰之竅究於畜門其支別者上額循巔下項中循脊入骶是督脈也

靈樞營氣篇

究深也畜門即喉屋上通鼻之竅門也如評熱病論啓玄子有云氣衝突於畜門而出於鼻即此謂也其支別者自頰頰上出額循巔以交於督脈循脊下行入尾骶也

●透玄按難經曰督脈起於下極之俞並於



脊裏上至風府屬腦上巔循額至鼻屬陽  
脈之海也蓋考之於內經未言督脈並於脊  
裏上行者唯難經有此言耳是與營氣篇所  
言升降相反焉玄晏先生云九卷言營氣之  
行於督脈故從上下難經言其脈之所起故  
從下上所以互發也愚謂凡一經之中有一  
升一降者不啻督脈有之如足太陽之正從  
膂上出於項足少陽之正從季脇上而合目  
外眥足陽明之正從髀上行而繫目系之類  
也凡足三陽經雖從頭下行至足然亦有從

下上者如此然而其行各有內外之別難經  
言從下上者並於脊裏內行者也本篇言從  
上下者循於脊中外行者而合營氣周流之  
度之正脈也然諸氏以難經所言並於脊裏  
伏行者以諸穴繫之予未為然焉

●凡督脈起於胞中而出下極之脛並於脊  
裏上行屬腦上巔循額至鼻柱者督之源脈  
伏行者也合于營氣運行之度者從肝經上  
注肺上循喉嚨入頰頰之竅究畜門其支者  
從畜門出斷交與任脈足陽明交會者竟端



水溝穴會于手足陽明至鼻端之膠而  
上額至神庭與足太陽陽明交會入頭歷上  
星顙會前頂上巔會足三陽厥陰於百會循  
後頂強間腦戶而下項中至風府瘕門會于  
陽維脈至大椎穴與手足三陽脈交會循脊  
下行至陶道身柱神道靈臺至陽筋縮中樞  
懸樞會帶脈於命門穴下陽關腰俞入尾骶  
之長強與足少陰之所結會之過足太陽之  
會陽穴會于足少陽之絡而前接于任脈也  
是雖與諸氏之說不同然本于經旨有據而

發之而已

▲別絡

○督脈之別名曰長強挾脊上項散頭上下當  
肩胛左右別走太陽入貫脊靈樞經  
督脈之絡名長強在尾骶骨端別走任脈足  
少陰者也

●透玄謹按任督脈之別絡經脈篇言之詳  
也然而如二脈經行載在于素問骨空論中  
竊考之於前後文義當在經脈篇十二經之  
後也疑是古經或錯簡耶唯在營氣篇略見



其義而已

任脈

滑氏曰任之為言妊也行腹部中行為婦人生養之本奇經之一也任與督同源而二岐督則由會陰而行背任則由會陰而行腹夫人身之有任督猶天地之有子牛也人身之任督以腹背言天地之子牛以南北言可以分可以合者也分之以見陰陽之不離合之以見渾淪之無間一而二二而一者也

○任脈者起於中極之下以上毛際循腹裏上關元至咽喉上頤循面入目素問骨空論

中極任脈穴名有曲骨上一寸中極之下即胞宮之所任衝督三脈皆起於胞宮而出於會陰之間任由會陰而行於腹督由會陰而行於背衝由會陰出並少陰而散於胷中故此自毛際行腹裏關元上至咽喉面目者皆任脈之道也

●透玄云難經言任脈與本文同唯無循面入目之義耳



○絡陰器上過毛中入臍中上循腹裏入缺盆  
下注肺中復出太陰靈樞營氣篇

督脈自尾骶前絡陰器即名任脈上過陰毛  
中入臍上腹入缺盆下肺中復出於手太陰  
經前經脈篇未及任督而此始全備是十四  
經營氣之序

●透玄云骨空論言任之源脈營氣篇言營  
氣周流之序蓋督脈入骶者合原脈於會陰  
而繞陰器上毛際會足厥陰於曲骨中極會  
足三陰陽明於關元循石門氣海會手少陽

厥陰於陰交入臍中之神闕會手太陰於水  
分會手少陰少陽足陽明太陰於下腕會手  
太陰太陽少陽厥陰於中腕會手太陰陽明  
足陽明於上腕上巨闕鳩尾中庭會手少陰  
少陽厥陰太陽足太陰少陰於臆中上玉堂  
紫宮會足厥陰之支於華蓋入璇璣會陰維  
於天突廉泉上承漿與足陽明會循口脣會  
手足陽明於地倉至兌端與督脈會足陽明  
而別行于足陽明巨膠四白之內與足陽明  
陰維會于承泣而入目系也又有一支別于



胸中而入缺盆注肺中而交手太陰肺經也  
○衝脈任脈皆起於胞中上循背裏為經絡之  
海靈樞五音五味篇

衝任為經絡之海其起脈之處則在胞中而  
上行於背裏所謂胞者子宮是也此男女藏  
精之所皆得稱為子宮惟女子於此受孕因  
名曰胞然衝任督脈皆起於此所謂一原而  
三岐也

●透玄按本篇言任脈起於胞中上循背裏  
者任之原脈內行者而難經所謂督脈起於

下極之膪並脊裏上者乃是也歟蓋任督雖  
以腹背別其名然經文往往有任督同言者  
但是以其脈一本也

其浮而外者循腹右上行會於咽喉別而絡唇  
口血氣盛則充膚熱肉血獨盛則澹滲皮膚生  
毫毛

衝任陰脈也故循腹右上行然左乳之下則  
有胃之太絡此正左陽右陰相配之效也

今婦人之生有餘於氣不足於血以其數脫血  
也衝任之脈不榮口唇故鬚不生焉



數脫血謂血不留而月事以時下也衝任為血之海鬚為血之餘血不足則衝任之脈不榮於口而鬚不生矣

▲別絡

○任脈之別名曰尾翳下鳩尾散於腹靈樞經脈篇尾翳誤也任脈之絡名屏翳即會陰穴在大便前小便後兩陰之間任督衝三脈所起之處此經由鳩尾下行散於腹透玄按甲乙尾翳經文已言下鳩尾則似非屏翳也

▲衝脈

楊玄操曰衝者通也言此脈下至於足上至於頭通受十二經之氣血故曰衝

馬經愚按衝脈行于腹裏者並足少陰之義然而直衝於胸中故諸氏取于上衝故楊氏為衝通之義此說最得焉

●透玄曰衝脈一名太衝經所謂太衝脈盛月事以時下者是也啓玄子曰足少陰腎脈與衝脈合而盛大也故曰太衝又名伏衝脈是以此脈伏行於脊裏而其最深也又名伏膂脈是亦言其脈



與少陰大絡行膂內者也與伏衝之義略同

○衝脈者起於氣街並少陰之經俠齊上行至胃中而散素問骨空論

起言外脈之所起非發源之謂也下倣此氣街即氣衝足陽明經穴在毛際兩旁衝脈起於氣街並足少陰之經會於橫骨大赫等十下穴俠膂上行至胃中而散此言衝脈之前行者也然少陰之脈上股內後廉貫脊屬腎衝脈亦入脊內為伏衝之脈然則衝脈之後

行者當亦並少陰無疑也

○衝脈任脈皆起於胞中上循背裏為經絡之海靈樞五音五味篇

義見前

○衝脈者經脈之海也主滲灌谿谷與陽明合於宗筋素問痿論

經脈之海者衝脈為十二經之血海也故主滲灌谿谷衝脈起於氣街並少陰之經夾膂上行陽明脈亦夾膂旁去中行二寸下行故皆會於宗筋



陰陽總宗筋之會會於氣街而陽明為之長皆屬於帶脈而絡於督脈

宗筋聚於前陰前陰者足之三陰陽明少陽及衝任督躄九脈之所會也九者之中則陽明為五藏六府之海衝為經脈之海此一陰一陽總乎其間故曰陰陽總宗筋之會也會於氣街者氣街為陽明之正脈故陽明獨為之長帶脈者起於季脇圍身一周督脈者起於會陰分三岐為任衝而上行腹背故諸經者皆聯屬於帶脈支絡於督脈也

肝音翰  
脛骨也

○衝脈者五藏六府之海也五藏六府皆稟焉其上者出於頰頰滲諸陽灌諸精靈樞逆順肥瘦篇衝脈起於胞中為十二經精血之海故五藏六府皆稟焉其上行者輸在於大杼足太陽經也故出於頰頰主滲灌諸陽之精其下者注少陰之大絡出於氣街循陰股內廉入膕中伏行脛骨內下至內踝之後屬而別其下者並於少陰之經滲三陰

其下行者並於少陰之大絡出陽明之氣街由股入足至內踝之後屬其別而下者自少陰



以滲及肝脾二經是為三陰此其所以下行也

其前者伏行出跗屬下循跗入大指間滲諸絡而溫肌肉

跗屬足掌屬也滲諸絡而溫肌肉動輸篇作注諸絡以溫足脛

○衝脈者十二經之海也與少陰之大絡起於腎下出於氣街循陰股內廉邪入臍中循脛骨內廉並少陰之經下入內踝之後入足下其別者邪入踝出屬跗上入大指之間注諸絡以溫

足脛

靈樞動輸篇

足少陰之脈動者以衝脈與之並行也衝脈亦十二經之海與少陰之絡同起於腎下出於足陽明之氣衝循陰股臍中內踝等處以入足下其別者邪出屬跗上注諸絡以溫足脛

○衝脈者為十二經之海其輸上在於大杼下出於巨虛之上下廉

靈樞海論

此即血海也衝脈起於胞中其前行者並足少陰之經俠臍上行至胷中而散其後行者



經脈圖說卷下  
十一  
上循背裏為經絡之海其上行者出於頤頰  
下行者出於足故其輸上在於足太陽之大  
杼下在於足陽明之巨虛上下廉○按動輸  
篇曰胃為五藏六府之海太陰陽明論曰陽  
明者表也五藏六府之海也逆順肥瘦篇曰  
夫衝脈者五藏六府之海也五藏六府皆稟  
焉此篇言衝脈者為十二經之海若此諸論  
則胃與衝脈皆為十二經之海亦皆為五藏  
六府之海又將何以辨之故本篇有水穀之  
海血海之分水穀之海者言水穀盛貯於此

營衛由之而化生也血海者言受納諸經之  
灌注精血於此而畜藏也此固其辨矣及考  
之痿論曰陽明者五藏六府之海主潤宗筋  
宗筋主束骨而利機關也衝脈者經脈之海  
也主滲灌谿谷與陽明合於宗筋陰陽總宗  
筋之會會於氣街而陽明為之長蓋陽明為  
多血多氣之府故主潤宗筋而利機關衝脈  
為精血所聚之經故主滲灌谿谷且衝脈起  
於胞中並少陰之大絡而下行陽明為諸經  
之長亦會於前陰故男女精血皆由前陰而



經脈圖說序集下  
十六  
降者以二經血氣總聚於此故均稱為五藏  
六府十二經之海誠有非他經之可比也○  
又曰此諸篇之義則衝脈之下行者雖會於  
陽明之氣衝而實並於足少陰之經且其上  
自頭下自足後自背前自腹內自谿谷外自  
肌肉陰陽表裏無所不涉又按歲露篇曰入  
脊內注於伏衝之脈百病始生篇曰傳舍於  
伏衝之脈所謂伏衝者以其最深也故九十  
二經之氣血此皆受之以營養周身所以為  
五藏六府之海也

○聖人南面而立前曰廣明後曰太衝太衝之  
地名曰少陰素問陰陽離合論

云聖人者崇人道之大宗也南面而立者正  
陰陽之向背也廣大也南方者丙丁之位天  
陽在南故日處之人陽亦在南故七竅處之  
易曰相見乎離即廣明之謂且人身前後經  
脈任脈循腹裏至咽喉上頤循面入目衝脈  
循背裏出頰頰其輸上在於大杼分言之則  
任行乎前面會於陽明衝行乎後而為十二  
經脈之海故前曰廣明後曰太衝合言之則



任衝各位雖異而同出一源通乎表裏此腹背陰陽之離合也衝脈並少陰而行故太衝之地為少陰地者次也

○三陰之所交結於脚也踝上各一行行六穴此腎脈之下行也名曰太衝素問水熱穴論三陰肝脾腎三經也三陰所交俱結於脚故足太陰有三陰交穴踝上各一行獨指足少陰腎經而言行六穴則太鍾照海復溜交信築賓陰谷是也左右共十二穴腎之太絡並衝脈下行於足合而盛大故曰太衝

○女子二十七而天癸至任脈通太衝脈盛月事以時下故有子素問上古天真論

衝為血海氣盛脈通故月事下而有子

○難經曰衝脈者起於氣衝並足陽明之經夾臍上行至胸中而散也二十一難

●透玄按骨空論曰衝脈者起於氣衝並足少陰之經夾臍上行至胃中而散難經言並足陽明之經上行兩說不同也蓋攷之於氣府論衝脈氣所發者二十二穴夾鳩尾外各半寸至臍寸一俠臍下傍各五分至橫骨寸



一腹脈法也是皆足少陰經之穴自幽門至  
橫骨之十穴左右共二十二穴也故甲乙  
銅人等書皆云衝脈足少陰之會蓋以骨空  
論爲之主也然則衝脈並足少陰經也明矣  
難經言並足陽明者以衝脈之外發在于氣  
衝也痿論云衝脈者與陽明合於宗筋陰陽  
總宗筋之會於氣街而陽明爲之長難經或  
本于此義乎

●又按衝脈之說諸書大率以難經爲主故  
將並于足陽明上行之一脈言之而已如上

下前後旁通之脈則論之鮮矣如任督亦唯  
言腹背中行者而已瀕湖八脈攷雖輯錄衆  
說然而有未註出經文者蓋督任衝之脈卓  
犖於諸脈者何也經曰衝脈爲十二經之海  
又云衝脈者經絡之海也主滲灌谿谷又云  
衝脈者五藏六府之海也五藏六府皆稟焉  
又云滲諸陽灌諸精又云滲諸絡而溫肌肉  
又云注諸絡以溫足脛又云太衝脈盛月事  
以時下故有子是等經文明示衝脈之爲重  
任而張景岳之註釋詳且盡焉蓋夫督任衝



之三脈，下源而三岐，但隨行而別其名耳。此脈下身之上下前後無不融洽貫通焉。故曰經脈藏府之海，男女此脈盛而后能有子，任督亦為陰陽之海，在人身之正中而如天地之有子牛，上貫泥丸，下入尾閭，是乃元氣之所由生，真息之所由起也。故修真家以此脈為長生久視之基實，有由焉。蓋此三脈俱起于胞中，胞者即子宮也。子宮者，男女通稱，又名血海血室者，是乃先夫真水之所藏，男女元炁之舍，司命之門，三焦百脈之源也。而

此三脈從個中而起，是乃天一真精之正脈，人身造化之原也。故五藏六府受之，經絡谿谷亦受之，是三脈所以為最長者也。●或云營氣篇任督在十二經之後，而有連接之處，其起于胞中者，受何脈之交哉？曰營氣篇言脈氣之運行，五音五味篇言脈氣之所起，蓋此三脈共腎之別脈，而主滲灌精血於諸經者也。此脈雖如受足少陰太絡之交，然直起于胞宮者，譬猶手少陰之脈受足太陰之交，而起于心中也。此脈亦與心經同起發者，心



經脈圖說卷下  
三十  
位南方為離火腎在北方為坎水以為配合而其脈亦相通足少陰上絡心手心主下絡下焦奇病論云胞絡者繫於腎評熱病論云胞脈者屬心而絡胞中是乃以心腎交通也夫人身有督任衝也猶樹之有根泉之有源故以此三脈為經絡藏府陰陽之海蓋十二經者從脾胃中生而管行體中督任衝者起於胞中而滲灌諸經是所以先夫後夫互為用而以奉生身也

▲躄脈

楊玄操曰躄捷疾也言此脈是人行走之機要動足之所由故曰躄脈焉○滑氏曰躄者捷也以二脈皆起於足故取躄捷超越之義

○黃帝曰躄脈安起安止何氣營水靈樞脈度篇躄脈有二曰陰躄曰陽躄皆奇經也何氣營水言躄脈為何經之氣乃亦如經水之管行也

岐伯答曰躄脈者少陰之別起於然骨之後

躄有五音  
音躄  
音脚  
喬又  
極虐切



少陰之別，足少陰腎經之別絡也。然骨之後，照海也。足少陰穴，即陰踠之所生。○按本篇止言陰踠之起而未及陽踠，惟繆刺論曰：邪客於足陽踠之脈，刺外踝之下半寸，所蓋陽踠為太陽之別故。二十八難曰：陽踠脈者起於跟中，循外踝上行，入風池。陰踠者亦起於跟中，循內踝上行，至咽喉，交貫衝脈，故陰踠為足少陰之別，起於照海。陽踠為足太陽之別，起於申脈，庶得其詳也。

上內踝之上，直上循陰股，入陰，上循胃裏，入缺盆，上出人迎之前，入頰，屬目，內皆合於太陽。陽踠而上行，氣并相還，則為濡目，氣不榮則目不

合。踠脈自內踝直上陰股，入陰，循胃裏者，皆並足少陰而上行也。然足少陰之直者，循喉嚨而俠舌本，此則入缺盆，上出人迎之前，入頰，屬目，內皆以合於足太陽之陽踠。是踠脈有陰陽之異也。陰踠陽踠之氣并行，迴還而濡潤於目，若踠氣不榮，則目不能合，故寒熱病篇曰：陰踠陽踠陰陽相交，陽入陰，陰出陽，交



於目銳眚陽氣盛則瞑目陰氣盛則瞑目此所以目之瞑與不瞑皆躋脈為之主也

黃帝曰氣獨行五藏不榮六府何也

帝以躋脈為少陰之別因疑其氣獨行五藏

不榮六府也故有此問

岐伯荅曰氣之不得無行也如水之流如日月之行不休故陰脈榮其藏陽脈榮其府如環之無端莫知其紀終而復始其流溢之氣內溉藏府外濡腠理

如水之流如日月之行皆言不得無行也陰

榮其藏指陰躋也陽榮其府指陽躋也言無分藏府躋脈皆所必至也流者流於內溢者溢於外故曰流溢之氣內溉藏府外濡腠理謂其不獨在藏也○按此躋脈之義陰出陽則交於足太陽陽入陰則交於足少陰陽盛則目張陰盛則目瞑似皆隨衛氣為言者故陰脈榮其藏陽脈榮其府也

黃帝曰躋脈有陰陽何脈當其數岐伯荅曰男子數其陽女子數其陰當數者為經其不當數者為絡也



躄脈陰陽之數男女各有所屬男屬陽當數其陽女屬陰當數其陰故男子以陽躄為經陰躄為絡女子以陰躄為經陽躄為絡也  
●透玄謹按躄脈者二十八脈之一而合于營氣周流之度男子以陽躄為經女子以陰躄為經然經文詳言陰躄而如陽躄脈行則無所見如二維帶脈亦然也於其主病則略散見於諸篇意者去古既遠經文不無脫誤唯於難經有言之耳凡難經之言皆出內經越人之時古經有此言而後世之脫簡耶故

如陽躄二維帶脈起止諸賢皆以難經為主也

○難經曰陽躄脈者起於跟中循外踝上行入風池二十八難下同

●透玄謂陽躄者足太陽之別脈其脈起於跟中出於外踝下申脈穴循踝下之後以僕參為本上外踝之後以附陽為郄直上循股外廉抵少腹之側會足少陽於居髃循脇後出胛上會手太陽陽維於臑俞行肩上海手陽明於肩髃及巨骨上人迎之外夾口吻會



手足陽明任脈於地倉上鼻外會足陽明於  
巨膠又與任脈足陽明會於承泣而抵目內  
眥與手足太陽足陽明陰蹻會睛明上行抵  
頭下耳後入風池而終

●透玄按陽蹻脈所會之穴滑氏八脈篇缺  
睛明二穴為二十穴是大失之蓋睛明者兩  
蹻脈之所屬最為要穴如脈度篇寒熱病篇  
之言可觀焉張氏圖翼有睛明穴而為二十  
二穴瀕湖八脈攷亦為二十二穴但除居膠  
穴而載風池穴以居膠二穴置于陽維蓋居

膠穴甲乙銅人諸書皆為陽蹻足少陽之會  
滑氏張氏或本于此乎瀕湖去之者素註以  
居膠為陽維脈之所會瀕湖或隨于王氏乎  
其加風池者由于難經入風池之說愚按脈  
度篇言蹻脈從足至目七尺五寸則入風池  
者蹻脈之別而非正脈故二氏不以風池為  
蹻脈所會之穴乎未知是非以俟能知者  
○難經曰陰蹻脈者亦起於跟中循內踝上行  
至咽喉交貫衝脈

●透玄謂陰蹻者足少陰之別脈起於然骨



之後跟中出于然谷照海穴行內踝之上以  
交信為郄并于足少陰之經直上循陰股而  
入陰內上循胃裏入缺盆上出人迎前抵咽  
喉交貫衝脈循頰骨前屬目內皆睛明穴而  
會于手足太陽足陽明陽蹻五脈也

●按八脈攷載張紫陽八脈說其言與聖經  
大違焉如言蹻脈殊差異其略曰陰蹻在尾  
閭前陰囊下陽蹻脈在尾閭後二節又言蹻  
脈之數名經行者乃以任督而謬之且曰八  
脈俱屬陰是皆不經之言也瀕湖云丹書論

及陽精河車皆徃徃以任督衝命門三焦為  
說未有專指陰蹻而紫陽八脈經所載經脈  
稍與醫家之說不同然內景隧道惟返觀者  
能照察其言必不謬也夫瀕湖先生醫家之  
英傑而何無辨折之耶惟丹書論徃徃載誣  
罔之言而証惑來學矣苟司命之士非軒岐  
之正言則莫妄與之也

▲維脈

楊玄操曰維者維持之義也此脈為諸  
脈之綱維故曰維脈也



○難經曰陽維陰維者維絡于身陽維維于陽陰維維于陰不能自相維則悵然失志溶溶不能自收持陽維起於諸陽會也陰維起於諸陰交也  
二十九難

●透玄謂維脈者使諸脈維絡於上下左右以無緩漫之患若有此脈病而失其職分則溶溶不能自收持悵然失志收持在外失志在內以別陰陽也諸陽會者指於足太陽也經所謂巨陽者諸陽之屬者也巨陽者太陽也屬者會也為諸陽主氣而為六經之長故曰諸陽會也

陽維脈起于足太陽別于金門而上行其所會之諸穴亦諸陽脈之所會也諸陰交者言足少陰也少陰者腎也腎者至陰而諸陰之長也而諸陰脈所交故曰諸陰交陰維脈起于足少陰築賓穴而上行其所會之穴亦諸陰脈之所交也

▲陽維脈發於足太陽之金門會足少陽於陽交為陽維之郄直上行脇肋出肘上臂外會手陽明於臂臑會手少陽於臑會入肩胛而會手太陽陽蹻於臑俞出肩上也會手少



陽於天膠會手足少陽足陽明於肩井與督  
脈會則在風府及瘖門又與足少陽會於風  
池及腦空承靈正營目窻臨泣下眉上會於  
陽白又上頭會於本神與足陽明會於頭維  
是陽維脈之所會也●按陽維脈行張氏圖  
翼全從滑氏而李氏之所說與二氏大不同  
愚說雖由于李氏又有去就之者是不或無  
據焉其脈氣所會之穴發揮及圖翼共為二  
十四穴唯八脈攷為三十二穴是漆居膠臂  
臚承靈目窻之八穴共為陽維脈所會也然

經脈圖說卷下

三十一

而李氏闕督脈之瘖門風府二穴者大失焉  
此二穴諸書皆為陽維會故今存之又漆足  
陽明頭維二穴是亦為陽維之會也去居膠  
者以屬于陽蹻也都合為三十四穴  
▲陰維脈發於足少陰築賓穴為陰維之却  
上循陰股內廉上行入小腹會足太陰厥陰  
於府舍直上會足太陰於太橫腹哀循脇肋  
會足厥陰太陰於期門斜上胸挾喉嚨與任  
脈會於天突上頤與任脈足少陰會於廉泉  
穴

經脈圖說卷下

三十一



帶脈

楊玄操曰帶之為言束也言摠束諸脈使得調柔也

○難經曰帶脈者起於季脇迴身一周八寸二分滑氏曰其脈氣所發在季脇下一寸八分正名帶脈以其回身一周如帶也又與足少陽會于維道此帶脈所發九四穴○瀕湖曰帶脈者起於季脇足厥陰之章門穴同足少陽循帶脈穴圍身一周如束帶然又與足少陽會於五樞維道九八穴

●透玄按滑氏以足少陽帶脈穴為帶脈之所起者以此穴得其名也諸氏皆從滑氏然李氏獨言起于足厥陰章門穴雖與諸氏不同而自有理也愚竊以脈行考之帶脈前在于臍心後當于十四椎命門而周回之在側脇則當季肋端章門次故難經曰帶脈者起於季脇蓋帶脈穴在季脇下一寸八分是在帶脈周圍之下而帶脈之支下行而所會也其章門穴雖諸書不言帶脈所會然而瀕湖有深考之而發之矣哉又漆五樞穴者其帶



脈之支至維道之處其路在五樞故高武聚  
英亦為足少陽帶脈之會是亦李氏不必謬  
矣蓋自章門至維道之處則是帶脈之支脈  
而猶束帶之兩端垂下夫帶脈者雖約束諸  
經然而本于足厥陰少陽而與督任衝足陽  
明其脈相通痿論云衝脈與陽明合於宗筋  
皆屬於帶脈而絡於督脈骨空論云任脈為  
病云云女子帶下是皆以帶脈之屬會也而  
其源脈者當在腎經經別篇曰足少陰之正  
至臍中別走太陽而合上至腎當十四頰出

屬帶脈者乃是也

▲經別離合

透玄云十四經脈者有上下起止而循  
序一貫經別離合者離別于四末本經  
之中或逆行或順行而內外出入最難  
分別然各有所歸而陰陽自相合當與  
其十二經脈參閱焉

○岐伯曰足太陽之正別入於臍中其一道下  
尻五寸別入於肛屬於膀胱散之腎循膂當心  
入散直者從膂上出於項復屬於太陽此為一



經也靈樞經別篇

○足少陰之正至臛中別走太陽而合上至腎當十四頷出屬帶脈直者繫舌本復出於項合於太陽此為一合成以諸陰之別皆為正也此膀胱與腎為表裏故其經脈相為一合也足太陽之正入臛中與少陰合而上行其別下道下尻五寸當承扶之次上入肛門內行腹中屬於膀胱散於腎循膂當心入散上出於項而復屬於本經太陽此內外同為一經也○足少陰之正自臛中合於太陽內行上

至腎當十四椎旁腎俞之次出屬帶脈其直者上繫舌本復出於項合於太陽是為六合之一也然有表必有裏有陽必有陰故諸陽之正必成於諸陰之別此皆正脈相為離合非旁通交會之謂也餘倣此

○足少陽之正繞髀入毛際合於厥陰別者入季脇之間循胃裏屬膽散之上肝貫心以上挾咽出頤頷中散於面繫目系合少陽於外皆也○足厥陰之正別跗上上至毛際合於少陽與

經脈別篇



別俱行此為二合也

此膽肝二經為表裏經脈相為一合也足少陽繞髀陽入毛際與足厥陰合其內行而別者乃自季脇入胃屬膽散之上肝由肝之上系貫心上挾咽自頤頷中出散於面上繫目系復合少陽本經於目外皆瞳子膠也○足厥陰之正別足跗內行上至陰毛之際合於足少陽與別者俱行上布脇肋是為六合之二也

○足陽明之正上至髀入於腹裏屬胃散之脾

上通於心上循咽出於口上頰頰還繫目系合陽明也

○足太陰之正上至髀合於陽明與別俱行上結於咽貫舌中此為三合也

此胃脾二經表裏相為一合也足陽明上至髀關其內行者由氣街入腹裏屬於胃散於脾上通於心循咽出於口上頰頰入承泣之次繫目系為目下網以合於陽明本經也○足太陰之正上股內合於足陽明與別者俱行上咽貫舌是為六合之三也



○手太陽之正指地別於肩解入腋走心繫小腸也

○手少陰之正別入於淵腋兩筋之間屬於心上走喉嚨出於面合目內皆此為四合也

此小腸與心表裏經脈相為一合也指地者地屬陰居天之內手太陽內行之脈別於肩

解入腋走心繫於小腸皆自上而下自外而內故曰指地經脈篇言交肩入缺盆絡心

此言別於肩解入腋走心蓋前後皆有入心之脈○手少陰之正自腋下三寸足少陽淵

腋之次行兩筋之間內屬於心與手太陽入

腋走心者合乃上行挾於咽出於面合於目內皆是當與足太陽精明相會矣此六合之

四也。透玄按合目內皆者乃合於手太陽至目內皆及手少陰繫目系者內皆者乃精明穴也故張氏云當與足太陽精明相會然合者與會者自有別也本篇以合言之則當以手太陽至目內皆者而主之也

○手少陽之正指天別於巔入缺盆下走三焦散於膈中也

○手心主之正別下淵腋三寸入膈中別屬三

焦出循喉嚨出耳後合少陽完骨之下此為五



合也

此三焦心主表裏經脈相為一合也指天者天屬陽運於地之外手少陽之正上別於巔入缺盆下走三焦散於胷中包羅藏府之外故曰指天○手厥陰之正其別而內行者與少陰之脈同自腋卅三寸足少陽淵腋之次入胷中屬於三焦乃出循喉嚨行身後合手足少陽於完骨之下此六合之五也

○手陽明之正從手循膺乳別於肩髃入柱骨下走大腸屬於肺上循喉嚨出缺盆合於陽明也

也

○手太陰之正別入淵腋少陰之前入走肺散之大腸上出缺盆循喉嚨復合陽明此六合也

此大腸與肺為表裏經脈相為一合也手陽明之正循膺前膺乳之間其內行者別於肩髃入柱骨由缺盆下走大腸屬於肺其上者循喉嚨復出缺盆而合於陽明本經也○手太陰之正其內行者自天府別入淵腋由手少陰心經之前入內走肺散之大腸其上行



者出缺盆循喉嚨復合於手陽明經以上共  
十二經是為六合也

▲脈度

○岐伯曰手之六陽從手至頭長五尺五六三  
文靈樞脈度篇

六陽者以左右言後六陰六陽皆倣此手太  
陽自少澤至聽宮手陽明自商陽至迎香手  
少陽自關衝至絲竹空各長五尺左右共五  
六三丈

手之六陰從手至胷中三尺五寸三六一丈八

尺五六三寸合二丈一尺

手太陰自少商至中府手少陰自少衝至極  
泉手厥陰自中衝至天池各長三尺五寸左  
右合二丈一尺

足之六陽從足上至頭八尺六八四丈八尺

足太陽自至陰至睛明足陽明自厲兌至頭  
維足少陽自竅陰至瞳子膠各長八尺左右  
共四丈八尺

足之六陰從足至胷中六尺五寸六六三丈六  
尺五六三寸合三丈九尺





足太陰自隱白至周榮一作大包足少陰自湧泉至俞府足厥陰自大敦至期門各長六尺五寸左右共三丈九尺

躡脈從足至目七尺五寸二七一丈四尺二五下尺合一丈五尺

躡脈自踝下至目內皆其長七尺五寸左右合之一丈五尺男子以陽躡為經女子以陰躡為經

督脈任脈各四尺五寸二四八尺二五下尺合九尺九都合一十六丈二尺此氣之大經隧也

督任各長四尺五寸共長九尺九從手太陰至任脈左右前後二十八脈通長一十六丈二尺此周身經隧之行度也

●凡脈度之常數以各經外行之本經腧穴之所係而設其度量而言非謂脈行之起止如此也其經脈續接之處雖各有曲折長短盈縮之殊然營衛周身五十度者均在其中譬如天之二十八舍雖南北盈縮東西參差躡宿不齊然自有三百六十度之數各分配之也難經曰人一呼脈行三寸一吸脈行三寸



寸呼吸定息脈行六寸人一日一夜凡一萬三千五百息脈行五十度周於身漏水下百刻云云凡人身二十八脈其長一十六丈二尺脈行五十度通計八百一十丈其始以平且寅初一刻為紀而手太陰肺經為之初步漏水下一刻計一百三十五息脈行八丈一尺二刻計二百七十息脈行一十六丈二尺為一周身積之漏水下二十刻計二千七百息脈行一百六十二丈為十度周身漏水下四十刻計五千四百息脈行三百二十四丈

為二十度周身漏水下六十刻計八千一百息脈行四百八十丈為三十度周身漏水下八十刻計一萬八百息脈行六百四十八丈為四十度周身漏水下一百刻計一萬三千五百息脈行八百一十丈為五十度周身而明日平且寅初一刻復大會于手太陰肺經是平人晝夜脈行之常度也

經脈圖說亨集之下終



長平人盡其地... 甲日平且實... 兵者國之... 為印... 公下... 息... 為...



